

شرح آيات الجزء الحادي عشر | اللقاء) 11 (| #ختمة_تعارف |

د . حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اللهم اللهم لك الحمد كله وكل الملك كله ربنا الله ينور يا شيخ عمرو. اللهم لك الحمد كله وكل الملك كله وبيدك الخير كله. واليک يرجع الامر كله - 00:00:00 لبيك يا ربنا وسعديك الخير كل الخير في يديك. والشر ليس اليك انا بك واليک تبارك وتعاليت استغفرك واتوب اليك اللهم صلي على الحبيب محمد وعلى ازواجه امهات المؤمنين وعلى ذريته وال بنته انك حميد مجید. اما بعد اخواني واحبابي في الله. يعني زى ما سمعنا كده في صلاة الفجر - 00:00:24

هو الامام كان بيقرأ في سورة ايه ما حدش ما شاء الله ايه ده! ايه العظمة دي! صورة ايه! بيقول سورة ايه انتشرت يعني خلاص يعني انا لله وانا اليه راجعون الامام كان بيقرأ في سورة الحج يا اخواني زي ما سمعتم كده والذين هاجروا في سبيل الله ثم - 00:00:44

قتلوا او ماتوا. المشركون ما كانواش بيهزوا مع الصحابة يا جماعة. الموضوع ما كانواش كده آآ يعني كان فيه قتل يعني الموضوع ما كانواش هزار. الموضوع كان بجد والذين هاجروا في سبيل الله ثم قتلوا او ماتوا الصحابة كان طول مسيرة الدعوة مهددين بالقتل مهددين بالتشريد مهددين بكل - 00:01:05

اي حاجة ممكن تحصل. ومع ذلك كانوا مستحملين عشان دين ربنا سبحانه وتعالى. كل اية في القرآن بتحكي قصة الدين ده. بتحكي قصة قام ازاي ؟ الدين ده نشا ازاي ؟ من اول ما كان الاسلام واحد لحد ما بقى الاسلام مليار ونص ملياربني ادم. الف - 00:01:25 خمسمليون بني ادم. ازاي الدين ده قام ازاي ؟ ذلك بان الله يولج الليل في النهار. معلش اصبروا زي ما الليل بيدخل في النهار واحدة والنهر بيدخل في الليل واحدة واحدة. الفرج جاي ولكن واحدة واحدة. ما تستعجلوش عليه. الم ترى ان الله انزل من السماء - 00:01:45

فتتصبح الارض مخضرة. عارفين كلمة تبات نار تصبح رماد؟ يعني ممكن تبات نار وتتصبح مخضرة. ما تقلقوش الامل جاي والفرج جاي ربنا بيسبت الصحابة رضوان الله عليهم. عشان كده يا اخواني في الله احنا عايشين دلوقتي مع مشروع ختم التعارف - 00:02:05 ان شاء الله بازن الله يعني في في تلاتين دقيقة نخلص الدرس ليه؟ لأن هي ختمة تعارف. يعني ايه ختمة تعارف؟ عايزين نتعرف النهاردة على سورة يونس بازن الله سبحانه وتعالى عايزين نتعرف على - 00:02:25

آآ على سورة يونس. النهاردة يا جماعة هنبدأ آآ يعني اشتداد السور المكية بقى. يعني النهاردة من اول النهاردة بفضل ومنة الله امبراح كانت سورة التوبة امبراح كنا بتتكلم خلاص بقى عن نهاية السبع الطوال. الصور المدنية الكبيرة ما عدا طبعا الانفال والتوبة - 00:02:38

الانفال والتوبة آآ معنا الاعراف والانعام. الصور المدنية الطويلة اللي نزلت تأسس المجتمع الاسلامي. النهاردة بقى نبدأ يونس شهود ويوفى والرعد وابراهيم والنحل والاسراء. هنبدأ بقى سيل من السور المكية. ايه الفرق بين المدنى والمكى؟ السور المدنية بتهدف - 00:02:58

لاقامة الدين في الواقع. امال الصور المكية بتهدف لاقامة الدين جواك انت. جوة قلبك انت. جوة نفسك انت. يبقى ايه ده امبراح خدنا

سورة التوبه. ايه العلاقة بين سورة التوبه وسورة يونس؟ ايه العلاقة؟ سورة التوبه بتقول لك ضحي. يعني النهاردة واحنا بنصلی بقى في التراویح ضحي - 00:03:18

ضحي بدمك عشان ربنا. ضحي بمالك عشان ربنا. ضحي بكل ما تملك عشان الاسلام. غير على حرمات ربنا. اغضب اغضب لربنا
اغضب للمسجد الاقصى. اغضب لكل مسلمة بتغتصب في الدنيا. اغضب للنبي عليه الصلاة والسلام لما بيشتتم او بيعدى عليه - 00:03:38

اغضب لكل مسلم بيتجروا عليه او بيسبجن او بيستضعف. اغضب لكل ارض اسلامية بتتاختد. اغضب. سورة التوبه بتقول لك شل دين
شيل الدين بتاعك لما الدين يناديك سب اي حاجة في اي وقت عشان تليي نداء الاسلام عشان تبقى جندي من جنود الاسلام - 00:03:58

فسورة التوبه بتقول لك ضحي. يعني واحد يقول لك اضحى بايه؟ واضحى ليه؟ واضحى عشان ايه؟ اضحى عشان ايه بقى؟ بتيجي
في سورة يونس يا اخواني في الله عشان تقول لك التضحيات اللي طلبتها منك سورة التوبه تضحى ليه وتضحى عشان ايه عشان
ابقى فاهم انا - 00:04:18

عشان ايه سورة يونس نازلة سنة حداشر مكية نازلة في اخر العهد المكي. بصوا يا جماعة اخر تلات سنين في العهد المكي دول كانوا
اصعب تلات سنين في العهد المكي. اصعب من مرحلة شعب ابي طالب. اصعب من مرحلة عام الحزن. اصعب من مرحلة الدعوة
الجهوية والتعزيب. ليه؟ لأن اخر - 00:04:38

تلات سنين اللي هو نزل فيهم الشوط بقى اللي هنتكلم عنه من اول النهارده بازن الله والايمان الجاية اللي نزل فيهم يونس ويوسف
وهؤلاء الشوط ده بقى من اول يونس لحد الاسراء نازل في اخر تلات سنين في العهد المكي. اللي هو كان خلاص يا جماعة.
الاعلام - 00:04:58

كافر او الاعلام الشركي سيطر على الموقف. أصبحت صورة الدعوة الاسلامية مشوهة تشويه قاتل. جوة الجزيرة العربية ما عادش حد
بيدخل في الاسلام. ما فيش حد خلاص عشر سنين يعني المسلمين جابوا اخرهم في الدعوة الى الله. ما عادش حد بيدخل في
الاسلام. يعني عاد - 00:05:18

صورة الدين مشوهة تشويه رهيب. واصبح الواقع في غاية القاتمة. طب وبعدين؟ طب الحل ايه؟ لا هم عارفين يخرجوا من مكة ولا
في بلد تانية راضية تستقبل الاسلام ولا في حد من مشركي مكة عاد راضي يدخل في الاسلام وصورة الدين عادت مشوهة تشويه
رهيب - 00:05:38

المجتمع كله مضحوك عليه. والمجتمع كله قاعد بيتص ولدول انهم الارهابيين. ان هم ان هم خطير على المجتمع. ان هم في الواقع اللي
زي ده يا جماعة نزلت سورة يونس. الواقع ده مشكلته ايه؟ الواقع الضاغط اوبي. مشكلة الواقع ده لما الناس بتبعد عن الدين اوبي -
00:05:58

ما عادش حد راضي يقبل على الدين. مشكلة الواقع ده ان الدعاب يتتحوله لنمزوج من اتنين. يا اما واحد بيقول لك انا بالتأكيد انا اللي
عندي مشكلة التأكيد السوابت اللي انا عشت ادعو الناس اليها هي اللي فيها مشكلة. لازم نتنازل. لازم نخبي جزء من الدين. لازم
نعرض للناس جزء ظريف لطيف - 00:06:18

وما نقولش للناس بقى حاجات في الدين ممكن تخلي الناس تستصعب الدين وتحس ان الدين ده كبير وعايز تضحيه لازم نسيس
الناس ويبدأ التمييع ويبدأ تضييع ثوابت الدين. ويبدأ التواصل مع اهل الباطل. لازم نمشي امورنا عشان الدعوة تمشي. لازم نسيس
أهل الباطل. عشان - 00:06:38

يسبيوا لنا هامش من حرية الدعوة نشتغل فيه. ويبدأ التنازلات القاتلة للدعوة. يا اما النمزوج الثاني داعية يعمل زي الشجرة اللي لما
بتتكسر بيطلع لها شوك. يتتحول لفكرة تشدد. ويتحول لفكرة تعنت. ويتحول لفكرة الاحكام الصعبة على الناس - 00:06:58
الناس دي ضايعة. الناس دي فاسقة. الناس دي منتهية. الناس دي شوية كفار. الناس دي رايحة جهنم رايحة جهنم. ويبدأ الدعاية

يتشدد في الاتجاه الآخر. المرحلة دي صعبة. ازاي الداعية يفضل ماضي على منهج الرحمة ويفضل ماضي على منهج بذل الجهد في -

00:07:18

دعة ويفضل ازاي يا جماعة في مرحلة اللالقالق الدعوي الرهيب نفضل مكملين ما نفتش ما نحطش ما نتسبيش كبس ما نتشددش. قضية صعبة جدا. الضغط النفسي على نفسية الملتزمين والملتزمات بيخرج افكار -

00:07:38

يتخيل احد ان هي تخرج ازاي ما ندخلش في مرحلة الضغط النفسي ديت السورة اسمها سورة يونس يا اخوانا وفي المرحلة ديت اسم سيدنا يونس له دلالة او اي اول حاجة سيدنا يونس ساب قومه في الآخر ساب قومه في النهاية وكاد اولو العزم من الرسل ان يكونوا ستة. سيدنا يونس لو ما كانش -

00:07:58

قومه تخيل كان مسار القصة بقى شكله ايه؟ بعد كل الصبر اللي صبروا على قومه ده. فسيدنا محمد بيحذر انه يسيب قومه يأسا من اصلاحهم زي سيدنا يونس ما عمل اذابق الى الفلك المشحون. ربنا سماه اباق من العبد الابق اللي بيهرب من سيده -

00:08:18

كاني مش بمزاجنا نشتغل في الدعوة ولا ما نشتغلش. مش بمزاجنا ندعوا الناس ولا لأ. مش احنا اللي بنأخذ قرار الناس تدعى الى الله او لا تدعى احنا جنود عند ربنا. احنا موزفين عند الاسلام من اجل توصيل الدعوة الى الناس. وما لناش دعوة بالثمرة. الحاجة الثانية ان قوم يونس -

00:08:38

هم القوم الوحدين اللي رفع عنهم العذاب. فلولا كانت خدوا بالكم يا اخوانا سورة يونس مية وتسعة اية. قصة يونس جت في اية واحدة بس. اية واحدة مع ذلك السورة اتسمت باسم يونس. فلولا كانت قرية امنت فنفعها ايمانها الا قوم يونس لما امنوا كشفنا عنهم عذاب الخزي -

00:08:58

في الحياة الدنيا فقوم يونس كلهم امنوا في الآخر ورفع عنهم العذاب ودي امنية عند النبي عليه الصلوة والسلام كانها بشري لرسول الله صلى الله عليه وسلم ان قومه هيؤمنوا في النهاية وانه هيرفع عنهم العذاب. الحاجة الثالثة يا اخواننا ان فيه ناس مش عارفة سيدنا يونس. فيه ناس -

00:09:18

مش مكتشفة سيدنا يونس. سيدنا يونس يا اخوانا من عظماء الانبياء. سيدنا يونس بعث الى نينوى الى نينوى. نينوى دلوقتي تاني محافظة العراق بعد بغداد. تاني اكبر محافظة في العراق بعد بغداد. نينوى ديت عاصمة الامبراطورية الاشهرية. الاشوريين بنوا نينوى ديت -

00:09:38

زي ما الفاطميين بنوا القاهرة كده عشان تبقى الركن بتاعهم. فالاشوريين الاشوريين دول امبراطورية عسكرية جباره كانوا جبارة في السيطرة العسكرية على العالم. متخيل عاصمة الامبراطورية الاشورية كانت نينوى. خدوا اليهود من فلسطين -

00:09:58

اسروهم واستزلوهم وخدوهم خدامين عندهم في نينوى خدوهم مستعبدين اليهود واليهوديات مستعبدين في نينوى فكانت نناؤة بت تكون من طبقتين. بت تكون من اليهود اللي اسروا وبقوا مستذلين. وفجروا وسابوا دينهم عن الدين وبقوا عبيد مستزينين لا عندهم دين ولا دنيا والاشوريين الظلمة الجباره المحتلين. سيدنا يونس -

00:10:18

بعث للاتنين دول في نينوى. بعث للمستعبدين وبعث للمستعمرين. بعث للاتنين. لأن الدين الاول عايزين نصلح اي وضع دنيوي نصلح الدين الاول.انا عايزك تتخييل سيدنا يونس بعث لمين؟ سيدنا يونس كان بيتعامل مع مين؟ سيدنا يونس -

00:10:48

لحد دلوقتي اشور واعيش طار اله الحرب والهة الحرب لحد دلوقتي القصص دي كلها في العراق قصص كبيرة لحد دلوقتي يا اخوانا يعني الاثار الاشورية من الحاجات اللي العراق يعني ايه؟ للاسف الشديد من باب الفخر بالجحود المشركون. مش -

00:11:08

من باب الفخر بالاثار الاسلامية او بالدين بتاعنا. المهم يا اخوانى في الله ان سيدنا يونس ما كانشنبي يعني يعني كاننبي تعرض لخطر رهيب. دعا ناس اي حد يتربعب انه يكلمها عن ربنا اصلا. واجه الواقع بكل قوة. وفي النهاية سيدنا يونس لما -

00:11:28

ابين ان الناس دي مش بتاعة دين او ان الناس دي مش هتستجيب تركهم وقال الله عنه اذ اباق الى الفلك المشحون. اذ اباق الى الفلك المشحون يبقى اذا عايزين واحدنا داخلين سورة يونس نبدأ نتعرف عليها. قلنا سورة يونس جاية بعد السبع الطوال جاية بعد سورة التوبة والانفال. اللي بيقول -

00:11:48

يبيقول لك ضحي يبقى سورة يونس والسور المكية هتقول لك اضحي ليه؟ واضحي عشان ايه؟ يبقى السور المكية من دلوقتي يا اخواننا هتكلمك عن ربنا هكلمك عن الجنة. هكلمك عن النار. هكلمك عن دوافع انك تقدم عمرك لربنا. دوافع انك تضحى بحياتك عشان ربنا - 00:12:08

بعد كده تيجي الصور المدنية تديك خط السير بقى. اضعها اعمل ايه يعني؟ يعني يعني ايه خط السير بتاع نصرة دين ربنا؟ انما السور المكية بتعملى قلبك دوافع بتخليلك انسان مشحون عايز اعمل حاجة للدين. عايز اعمل حاجة لربنا. اعمل ايه؟ الصور المدنية تقول لك تعمل ايه؟ انما السور المكية - 00:12:28

تشحن القلب بالایمان تجاه قضية الدين وتجاه قضية الله والدار الآخرة. سورة يونس يعني سبحان الله! شف ربنا بيقول الف لام راء تلك ايات الكتاب الحكيم. يبقى بداية السورة كلام عن القرآن. تلك ايات الكتاب الحكيم. طب بعد - 00:12:48

سورة يونس السورة اللي بعدها سورة ايه هود اولها ايه؟ يوسف اولها الف لام راء كتاب احكمت اياته ثم فصلت من لدن حكيم خبير. يبقى برضه البداية كلام عن عن القرآن طباعة ضهود ايه؟ يوسف اولها الف لام راء يه تلك ايات الكتاب المبين انا انزلناه قرآنا - 00:13:08 لعلكم تعقلون. نحن نقص عليك احسن القصص بما اوحبينا اليك هذا القرآن. وان كنت من قبله لمن الغافلين. الكلمة دي تتقال للنبي عليه الصلاة والسلام وان كنت من قبله لمن الغافلين. يبقى برضو اول سورة يوسف كلام عن ايه؟ قرآن بعد سورة يوسف الرعد الف لام - 00:13:32

ميم راء تلك ايات الكتاب. يبقى برضه كلام عن القرآن بعد الرعد ايه؟ ابراهيم الف لام راء كتاب انزل اليك كتاب انزلناه اليك لتخرج الناس من الظلمات الى النور. يبقى برضو الكلام عن ايه؟ عن القرآن. يعني ايه ايه القصة - 00:13:52

يا اخواننا يعني كل الشوط ده اوله كلام عن القرآن كلها اتكلم عن القرآن. بداية السور دي كلها اتكلم عن القرآن. لأن لو انفصلتم عن القرآن وسط الواقع الصعب ده مش هتقروا تكملوها. ما حدش هيقدر يثبت في الواقع ده لو اتعزل عن القرآن. عشان كده ليه بنعمل خاتمة - 00:14:12

الحرروف دي عشان كده ليه بنحاول نفهم بعض ايات من كتاب ربنا؟ عشان كده ليه بنحاول نقف مع فهم القرآن؟ طب ما كان الوقت يا اخواننا في جلسة الضحى كل واحد يجيب له تلات - 00:14:32

لأ وخلاص ايه القضية ان احنا نقف مع فهم كتاب ربنا من غير ما يكون القرآن زادك في الطريق ده مش هتوacial الواحد لما اسمع ايات القرآن سواء الفجر الوقتي او في صلاة التراويح امبارح مسلا صلاة القيام امبارح الواحد كل ما بيسمع اية بيوقن ان ما فيش حل - 00:14:42

القرآن مش هيسبتنا غير القرآن. مش هيئنور لنا الطريق غير القرآن. امبارح وانا باسمع في سورة التوبه اوئك سيرحمهم الله اوئك لهم الخيرات. ربنا بيسبتك اسبت. انت مش عارف هتاخد ايه. انت مش عارف الطريق ده ربنا هيديك فيه - 00:15:02 ايه لو سبت وكملت انت مش عارف جوايز الطريق دي ايه. زي قول الله سبحانه وتعالى انا اعطيتك الكوثر. الكوثر ده جايزة مكافأة ربنا اداها للنبي بسبب ثباته في المرحلة الجهرية. يعني سنتين ثلاثة سبات على الدعوة. الجايزة بتاعتكم في - 00:15:22 السنتين دول نهر الكوثر. قال لها هو ده الطريق! قال لها امال السبات فعامل حزن كان جايزته ايه! اومال الثبات في التلاتين غزوة النبي عليه الصلاة والسلام غزاهم جايزتهم ايه؟ اومال السبات في الهجرة لما المشركين وقفوا لو نظر احدهم تحت قدميه لرأي النبي؟ جايزتها ايه؟ يا اخواننا احنا في طريق - 00:15:42

لا يدرك جوازه ولا قيمة السير فيه. ولا قيمة الثبات فيه الا الله. سبحانه وتعالى. وده من المواجهات الاساسية اللي هنتعرض بعض ملامحها في سورة يونس. سورة يونس طبعا طويلا جدا. آآآ مليانة خير. آآآ يعني ان احنا نقف مع كل اياتها - 00:16:02 او مع كل ترابطها موضوع صعب جدا يا اخوانى وهىخرج بنا عن الفكرة بتاعه ختمة التعارف خاتمة التعارف يعني عايزين نتعرف عن الملامح الملامح العامة في سورة يونس انها سورة مكية نازلة في وقت صعب جدا جدا جدا. الضغط النفسي فيه رهيب - 00:16:21 على نفسية النبي عليه الصلاة والسلام واصحابه. سورة يونس نازلة تثبيت. عشان كده هنلاقي في سورة يونس كلام كتير اوكي عن

البشريات بتاعة الطريق ده هنلاقي في سورة يونس طوفان كلام عن الدار الاخرة. ليه؟ من اجل الثبات. علو همة من اجل الثبات. شف ربنا بيقول ايه - 00:16:41

الف لام راء تلك ايات الكتاب الحكيم اكان للناس عجبا ان اوحيانا الى رجل منهم ان اندر الناس وبشر الذين امنوا ان لهم قدم صدق عند ربهم ان لهم قدم ايه؟ صدق. وعد ربنا. اللي انت قدمته في الدنيا هنلاقيه في الآخرة - 00:17:01

ده وعد صدق ان لهم قدم صدق. في اخر السورة ولقد بؤنا بنى اسرائيل مبواً صدق. اكبر قضية عند اللي ماشي في طريق الدعوة و حاجتين واللي ماشي في طريق الدين حاجتين. الحاجة الاولانية انا هاخد ايه في الدنيا؟ وال الحاجة الثانية انا هاخد ايه في الآخرة؟ فربنا في اول السورة - 00:17:22

اخرها حل المشكلتين دول. الاول ان لهم قدم صدق. انت هتاخد ايه في الآخرة؟ كل الوعود بتاعة الآخرة وعود صادقة اقدم عليها في الآخرة و هتشوفها. طب وفي الدنيا ولقد بؤنا بنى اسرائيل مبواً صدق. يبقى ازا في الدنيا - 00:17:42

قبل الآخرة هتبوا و هتملکه و هترفعه بازن الله سبحانه و تعالى. ربنا يقول لك ان الذين لا يرجون لقاءنا ورضوا بالحياة الدنيا واطمئنوا بها والذين هم عن اياتنا غافلون اولئك اصحاب النار اولئك مأواهم النار بما كانوا يكسبون. ان - 00:18:02

الذين امنوا وعملوا الصالحات يهدیهم ربهم بایمانهم. كلمة كبيرة قوي دي هنقف معها دلوقتي ان شاء الله. يهدیهم ربهم بایمان تجري من تحتهم الانهار. تخيل الصحابة في الضغط ده وربنا بيقول لهم الايات دي. يعني انت انت متخيل كده! يعني - 00:18:22

يعني شاب مسلا يعني نفسه يتجوز وما عهوش فلوس ويقول له ده انا عندي لك عروسة شديدة الجمال شديدة التدين فهو قاعد الله! بجد! فربنا سبحانه و تعالى الصحابة في قمة الضغط وخارجين بقى لهم تلات سنين بيأكلوا ورق الشجر في شعب ابي طالب. وبعد كده شايفين النبي - 00:18:42

ابتلي وعذب فعامل حزن وربنا بيقول لهم يهدیهم ربهم بایمانهم تجري من تحتهم الانهار في جنات دعواهم فيها سبحانك اللهم وتحيthem فيها سلام. واخر دعواهم ان الحمد لله رب العالمين. ما فيش - 00:19:02

وهي بعد كده يعني ما فيش رفاهية في الحياة بعد كده. آللذين احسنوا الحسنى وزيادة. اية تانية للذين احسنوا الحسنى وزيادة لا ترهقوا وجوههم قطر ولا ذلة. اولئك اصحاب الجنة هم فيها خالدون - 00:19:22

وفي النص ربنا يقول لهم وما تكونوا في شأن وما تتلوا منه من قرآن ولا تعملون من عمل الا كنا عليكم شهودا اذ تفيضون فيه. ربنا مراقبكم في كل حاجة. وما يعزب عن ربك من مثقال ذرة في الارض ولا في السماء. ولا - 00:19:39

اصغر من ذلك ولا اكبر الا في كتاب مبين. الا ان اولياء الله لا خوف عليهم ولا هم يحزنون الولاية اية الا ان اولياء الله لا خوف عليهم ولا هم يحزنون. جاية في وسط الايات بتاعة سورة يونس كان ربنا بيعشق - 00:19:59

الصحابة بالولاية كان ربنا بيعود الصحابة بالولاية اللي يثبت في هذه المرحلة. يبقى اذا سورة يونس اه كلها بشريات يا جماعة في الدنيا وفي الآخرة في الدنيا وفي الآخرة لحد نهاية السورة اخر اية في السورة واتبع ما يوحى اليك صعب يا رب واصبر - 00:20:19

اصبر حتى يحكم الله وهو خير الحكمين. الحكم جاي. حكم ربنا نازل. فرج ربنا جاي. فتح ربنا جاي نصر ربنا جاي اسبت واتبع ما يوحى اليك واصبر حتى يحكم الله وهو خير الحكمين. اثبت - 00:20:39

المرة الجاية اثبت النصر جاي. لما نقف مع بعض هذه الايات يا اخواني. يعني شف ربنا بيقول لك ان في اختلاف الليل والنهار يعني طبعا الايات اللي بتتكلم عن الله في السورة ان في اختلاف الليل والنهار وما خلق الله في السماوات والارض - 00:20:59

الايات لقوم يتقوون. المتوقع لايات لقوم يؤمنون. او يوقنون. يعني ايه يتقوون؟ هو الايات دي لها علاقة بالخوف. يا اخواننا ما هو انا لو عايزك تطلع اتنين جنيه صدقة هاقول لك يا اخي طلع صدقة حرام عليك. طب لو عايزك تطلع خمسمية جنيه صدقة هاجيب لك درس عن الصدقة - 00:21:18

محمد حسان طب انا لو عايزك تطلع ميت الف جنيه صدقة هاجيب لك الشيخ محمد حسان يتكلم معك. يبقى كل ما تلاقي مش معقوله يعني هجبيب لكشيخ يتكلم معك عشان اقول لك طلق ثلاثة جنيه صدقة. مش ممكن! ما دام انا سخنتك على الموضوع قوي

والدوافع كانت قوية يبقى لا بد انا عايز منك حاجة كبيرة - 00:21:38

فتخييل مليارات الاليات اللي حوالينا في السما والارض والليل والنهار ديت. لو كان ربنا مراده منك حاجة صغيرة او مال كل ده كان ليه ؟ يبقى اذا لما تبص للاليات المهوولة في الكون تعرف ان ربنا خلقك احسن خلق لانه اراد منك احسن عمل. ربنا - 00:21:58
خلاقك احسن خلق احسن تقويم. لانه اراد منك احسن عمل. اراد منك الاحسان. ان الذين لا يرجون لقاءنا. اللي مش عايزين اخره اصلا . فيه ناس يا جماعة مش مصدقة الاخرة. انما في ناس مش عايزه اخرة زي في سورة هود اللي بعدها كده. لما هناخد في الآخر واتبع
الذين ظلموا ما اترفوا فيه - 00:22:18

مش اووعي تفتكر ان الشاب اللي الحد ده الحد لانه مقتنع بالالحاد. واتبع الذين ظلموا مش ما اقتنعوا به. ما فيه ده ما عادش الزنا
حرام. ما عادتش الخمر حرام. ما عادش الفجور حرام. ما عدش فيه حاجة اسمها حرام. فهو عاد ماشي في طريق ما حدش - 00:22:39

بيقول له حاجة ممنوعة ان الذين لا يرجون لقاءنا. اللي مش عايزين اخره اصلا . هو مش عايز يؤمن بها. مش مش مقتنع. مش مش
عايز يأيد نفسه بكلمة حرام وحلال. ورضوا بالحياة الدنيا واطمأنوا بها. مصيبة الرضا بالدنيا والاطمئنان بها - 00:22:59
اصيبت واحد يقول لك يا عم انا عايز فلوس وانا راضي. يا عم انا عايز عربية حلوة وحياة حلوة وانا راضي يا عم في في دين او ما
فيش دين واطمئنوا بها. اللي له قريب مركزه كبير او هو مركزه كبير يبقى مطمئن. رضوا بشهواتها واطمأنوا - 00:23:19
فبها فيه ناس يا جماعة بتعبد الدنيا. فيه ناس وصلت للدرجة دي مع الدنيا. أولئك والذين ورضوا بالحياة الدنيا واطمأنوا بها والذين
هم عن اياتنا غافلون أولئك مأواهم النار. مأواهم يعني تخيل اما واحد البيت اللي هيسكن فيه - 00:23:39
مدى حياته بعد كده هو جهنم. المأوى اسلوب سخرية. أولئك مأواهم النار بما كانوا يكسبون. يكسبون ده يعني كسب ايد يعني ربنا ما
زلمش حد. يعني كان قدامه فرصة انه يختار وهو اللي اختار الضلال. ان الذين امنوا وعملوا - 00:23:59

الصالحات مش امنوا بس امنوا واشتغلوا. يهديهم ربهم بایمانهم. كلمة عظيمة اوي يا جماعة. كلمة ربنا بيعرفنا الایمان ده قد ايه
بسبيها؟ كلمة ربنا بيقول لنا الایمان ده نبراس. لو عندك الایمان ده هيوفر عليك عمرك قد ايه ؟ يهديهم ربهم بایمانهم - 00:24:19
يهديهم في الدنيا. ما تعيش الحيرة. ما تعيش الشتات. ما تعيش التوتر والقلق. والخنفة اللي الناس عايشة فيها ربهم بایمانهم وفي الآخرة
تهدى بایمانك الى درجتك في الجنة. تجري من تحتهم الانهار. ملوك بيوت الدنيا بتجري من تحتها موازین - 00:24:39
غير الصرف الصحي ولكن بيوت الجنة بتجري من تحتها الانهار. تجري من تحتهم الانهار. في جنات النعيم غير النعمة. النعمة ممكن
واحد تلاقي عنده خمسين مليون جنيه. ولكن عنده مرض منفص عليه فلوسه. ممكن تلاقي واحد عنده عشر عيال. تسعه - 00:25:02
منهم بيطلعوا الاولى في الحياة كلها. وواحد منهم مخلية متلطم في الدنيا. يعني يتمنى لو ما كانش خلف اصلا واحد من العشرة
فالنعمة ممكن تبقى موجودة بس معه نسمة بس معه ابتلاء انما النعيم هو النعمة الكاملة. النعمة - 00:25:22

استمتع بها. النعمة اللي مع استمتاع وسعادة نفسية. دعواهم فيها سبحانك اللهم. يعني هو قاعد في الجنة كده فيشوف طور من
طبيور الجنة كده فيشتاق لهذا الطير او يشتاق لهذا الطعام. هو لا يفعل اكثر من انه يقول سبحانك - 00:25:42
اول كلمة سبحانك اللهم دي كلمة السر. الخدم بييجوا ليه على طول ؟ الملائكة تيجي دي على طول. دعواهم فيها سبحانك اللهم يعني
كان مفتاح تسخير الخدم في الجنة. كلمة التسبيح. لأن التسبيح انت بتعظم الخالق. فيبخرج من قلبك تعظيم المخلوق - 00:26:02
فرينا يسخر لك المخلوق. عشان كده اهل التسبيح ربنا بييسر لهم امور حياتهم. عشان كده اهل التسبيح ربنا امور حياتهم ليه ؟ لأن
المؤمن اللي مدمن تسبيح عنده تعظيم للخالق فخارج من قلبه المخلوق فربنا يخلي المخلوق خدام عنده - 00:26:22

عشان كده كتر من التسبيح دعواهم فيها سبحانك اللهم. فتيجي الملائكة تشوفهم عايزين ايه. وتحيتهم فيها السلام. فيقوم ومسلمين
على بعض تحية الجنة السلام الملائكة شافتهم عايزين ايه ؟ جابت لهم الولائم. جابت لهم كل ما ارادوا. طب في النهاية بقى عايزين
الاكل بقى يتناول او عايزين خلاص بقى ما هم بيستخدموا - 00:26:42
واخر دعواهم ان الحمد لله رب العالمين. اول ما يقولوا الحمد لله رب العالمين الخدم بتوعهم الملائكة تيجي احمل كل مكان امامهم

لان خلاص احنا ما عدناش محتاجين بقى هزا الطعام في حاجة او ما عدناش محتاجين هزا الشراب في حاجة. فيه رفاهية بعد كده
في الحياة؟ يعني فيه رفاهية - 00:27:06

بعد الوصف ده في الحياة. تخيل الصحابة وهم في البهدلة اللي هم فيها وربنا بيقول لهم ابشرؤا. انتم مش عارفين نستنكم راحة قد
ایه. انتم النهاردة بنين النهاردة مطاردين. النهاردة مضطهدين. النهاردة المنتقبة ماشية في الحر روحها طالعة من تحت النقاب -
00:27:26

النهاردة الملزوم ماشي ممكن يكون ده بيسخر منه او ده. النهاردة ممكن تكون بسبب دينك زهدت في الدنيا. او سبت فرص الدنيا
النهاردة ممكن تكون بسبب الدعوة الى الله ضحيت ب حاجات في دينتك. انما ما حدش هيشف الناس دي بكرة يا جماعة. ما حدش
هيتخيل لما يشوف - 00:27:46

الناس دي على باب الجنة ان دولهم اللي كانوا في الدنيا بالمنظار ده. ان الملوك دولهم اللي كانوا في الدنيا متبهدين بالمنظار ده
عشان ربنا سبحانه وتعالى عشان كده ربنا بعدها بيتكلم بقى عن اللي عشان الدنيا ضيعوا النعيم ده. ولو يعجل الله للناس الشر -
00:28:06

استعجالهم بالخير. الناس يا جماعة لو يعني يا رب انا عايزة اتجوز فلانة. وممكن فلانة دي هتبقى سر كورد في الدنيا والآخرة. يا رب انا
عايز ولد يعني كان كان لنا واحد نعرفه يعني نعرفه يعني - 00:28:26

كان بيجي معنا وكان ولد على ست بنات بعد كده كب بنزين على ابوه وولع في ابوه. يعني حرق ابوه هي تخيلوا انا لما عرفت الخبر
ده قلت الشاب ده انا قابلته مرة يعني كده سبحان الله! قلت يا ترى ابوه يوم ما الولد ده اتولد؟ ابوه كان فرحان قد ايه؟ بعد ست بنات
- 00:28:46

اخيرا جه الولد. اخيرا جه الرجل. اخيرا جه وهو في الآخر هو اللي هيولع في ابوه. وهيحرق ابوه هي. تخيلوا احيانا انسان يقول يا
رب انا عايزة الوظيفة الفلانية. انا عايزة عقد العمل الفلاني. انا وهو ما هوش عارف. الوبار اللي ممكن يحصل بسبب ده - 00:29:06
فالانسان ما هوش عارف الخير من الشر. فالمفروض ان الانسان يفوض اموره لربنا. ويرضى بقدر ربنا. انما مصيبة الانسان انه دائمًا
عايز الحمرا اللي بتلمع عايزة عربية موديل ايه انا عايزة الحمرا اللي بتلمع يا ابني ما فييش حاجة اسمها الحمرا اللي بتلمع يا بني عايزة
عربية كام سيسى - 00:29:26

عايز عربية يا ابني انا عايزة العربية اللي لونها يا ابني مش باللون يا حبيبي انت هو البنى ادم كده ولو بتع شكليات ولو يعجل الله
للناس الشر استعجالهم بالخير لقضى اليهم اجلهم. لو ربنا نفذ للناس احلام احلامهم - 00:29:45

وتلت تربع احلامهم تودي في دائمة. تلات تربع احلامهم هتخرب عليهم دينتهم وآخرتهم. قضى اليهم اجلهم. كان كل حاجة انتهت. واذ
فتنظر الذين لا يرجون لقاءنا في طغيانهم يعمهون. واذا مس الانسان الضر دعانا. شف البنى ادم - 00:30:05
بقى اول بقى ما يجي له مشكلة واذا مس الانسان الضر دعانا لجنبه او قاعدا او قائما. فلما كشفنا ان يضره مرة كأن لم يدعونا الى ضر
مسه. منظر واحد ماشي في الشارع وشالي اكياس تفاح واكياس اكل واكياس - 00:30:25

ولابس بدلة فخمة وماشي باشا في الشارع. فجأة يقوم متعرّض واقع على وشه. البنطلون يتقطّع والتراب يملئ جسمه ووشة يتتملي
طين والاكياس تقع على الارض تتبعثر منه وحالته تبقى تصعب على اللي رايح والي جاي. يقوم بيجي واحد يقومه - 00:30:45
ويغسل له هدومه ويغسل له وشه ويشرح له شعره. ويختيط له الهدوم بقاعدته. ويم له الاكياس. فالراجل بيصل بعد شوية كده تلاقى
نفسه رجع زي مكان تاني ولا كأن في اي مشكلة. يوم مكمل في طريقه ما يقولش حتى لله قومه شكرنا. ما يبصش حتى - 00:31:05
يشوف مين اللي قومه. انتم عارفين واحد داخل الشقة يا جماعة. المفتاح فين؟ فين؟ فيلاقي ايدي اتمدت له بالمفتاح اه المفتاح اه.
ما يبصش يشوف مين اللي مدّيه له اصلا - 00:31:25

دخل مفتاح قال لها هو الشبشب كان فين؟ يلاقي ايدي من تحت السرير مطلعة له الجرج يا عم شف مين اللي جاب لك! يا عم شف
مين اللي عمل لك ده - 00:31:35

يدخل السفرة يلاقي المائدة محظوظة. الحمد لله. ده الاكل اللي انا باحبه بالزيط. يا عم شف مين اللي حضره لك. يا عم شف مين اللي جهز لك كل حاجة حاجة مرة كان لم يدعنا الى ضر مسه. مصيبة - 00:31:45

و اذا مس الانسان الض دعانا لجنبه. يعني الجنب جاي الاول كان الانسان اول ما بيتللي تلاقي الراجل قاعد في الشركة بتاعته كده يا فلان اعمل كذا يا علان شف العربية الفلانية جايية البضاعة ولا ؟ ويتصل به. فجأة يجي له تليفون المخزن الفلانى اتحرق - 00:32:01

و خسرت خمسة مليون جنيه. شوفوا اللي كان بقى طالع السما نازل الارض ده يقوم مرمي على الكرسي تلات دقايق يجرروا به بعربيه الاسعاف على المستشفى جا له زب حصل البنى ادم لا يتحمل الابتلاء. البنى ادم دعانا لجنبه كأنه طب ساكت. اول ما ابتلي كأنه - 00:32:21

على الارض اول ما ابتلي دعانا لجنب او قاعدا او قائما في كل الزروف يا رب يا رب. فلما كشفنا عنه ضره مر يدعونا الى ضر مأسا ولا كان كان فيه حاجة البنى ادم بسبب حب الدنيا الدنيا بيعمل تصرفات جنونية - 00:32:41

بيرتكب جرائم في علاقته بالله. بعد كده ربنا يقول لك للذين احسنوا الحسنى و زيادة. احنا بنحاول نقف مع بعض الايات في السورة. مع بعض الايات اللي بتفهمك سورة يونس. في الزروف الصعبة قوي - 00:33:01

في نازلة بتتكلم عن ايه؟ المعاني دي لو دخلت قلبك لما هتتجي تسمع سورة التوبة هتقول لبيك اللهم لبيك. لما تيجي سورة تسمع سورة الانفال هتقول لبيك و سعديك. انا موافق يا رب. ان الله اشتري من المؤمنين انفسهم و اموالهم. انا موافق يا رب. مش انا هاخد - 00:33:18

مش هتجري من تحت الانهار في جنات النعيم. مش بسبحانك اللهم الجنة دي كلها تبقى بين ايديا! انا موافق يا رب! انا موافق انا موافق على هذا العقد الذي بيبني وبينك للذين احسنوا. عشان كده الصور المكية محتاجة قرائية بتمعن. محتاجة كل اية من - 00:33:38

ادي كر الاية تلات اربع مرات. كرر الايات اللي بتتكلم عن ربنا عن الجنة اضغط على قلبك عشان قلبك يتملى بالد الواقع دي يصدقها. للذين احسنوا الحسنى و زيادة. احسنوا في ايه يا رب؟ ربنا ما قالش احسنوا في ايه - 00:33:58

احسنوا في الصلاة ولا في قيام الليل؟ ولا احسنوا في الاخلاق والمعاملات؟ ولا احسنوا مع اهلهم و ولادهم؟ ولا احسنوا في الدعوة الى الله احسنه في كل حاجة للذين احسنوا في كل حاجة الحسنى. ايه الحسنى دي يا رب؟ الحسنى في كل حاجة برضو. زي ما احسنوا في كل حاجة هيأخذوا - 00:34:14

في كل حاجة. ليوم الحسنى يا اخوانا عند الموت تتنزل عليهم الملائكة. تخيل بني ادم بيموت والملائكة قاعدة تتنزل افواج و رفاقك. بتبشروا لهم الحسنى في القبر نعيم القبر العظيم لهم الحسنى في الجنة. تخيل كده حديث النبي عليه الصلاة والسلام آآ ان الله ينادي في اهل الجنة. يا اهل - 00:34:37

هل رضيتم هل رضيتم؟ انت متخيلا ربنا بيقول لك رضيت؟ راضي راضي عن ربنا. فيقولون يا ربنا وما لنا لا نرضى. وقد بيضت وجوهنا قد اعطيتنا ما لم تعطي احدا من العالمين. يا رب ما نرضاش ازاي؟ فيقول الله فاني احل عليكم رضوانى - 00:35:02 الاسخط عليكم بعده ابدا؟ الانسان الملتزم ممكن ينام حزين لانه مش حاسس ان ربنا راضي عنه. تخيل من نعيم الجنة انك انت موقن ان ربنا راضي عنك. حديث عن النبي عليه الصلاة والسلام ربنا يقول لهم يا اهل الجنة - 00:35:24

تريدون شيئا ازيدكم؟ لسة عايزين حاجة؟ فيه حاجة كمان؟ انت عارف واحد جايب لك والائم ومشروبات بيقول لك حاجة كمان! هو لسة فيه حاجة كمان يا فيكشف لهم الحجاب. فينظروا الى وجه الله. فما اعطوا شيئا احب اليه - 00:35:42

من النظر الى وجه الله. ينسوا الجنة لما ينظروا في وجه الله سبحانه وتعالى. تخيل! قال رسول الله صلى الله عليه وسلم ان الله اخذ في الجنة واديا افيح. ريحته جميلة من مسك ابيض. فيتنزل الله - 00:36:02

كل جمعة فيؤتى بمنابر من نور فيجلس عليها النبيون ثم يؤتى بكراس من ذهب عروش ملكية من دهب فيجلس عليها الصديقون

والشهداء. ثم يجلس الناس على كثبان المسك. يعني الناس - 00:36:22

الناس على حسب الدرجات بتألتها تجلس بقى ثم يقول الله تمنوا يا اهل الجنة. كل واحد يطلب فيسألون الله حتى تنقطع الرغبة.
خلاص ما عادش حد يلاقي حاجة يطلبها. فحييند يفتح لهم ما لا عين رأت. ولا - 00:36:41

اذن سمعت ولا خطر على قلب بشر. كل يوم جماعة الجنة كلها بتبقى نيلوك. الجنة بيتجدد فيها من اصناف النعيم ما لم يتخيّل اهل الجنة نفسهم للذين احسنوا الحسنى وزيادة. ولا يرهق وجوههم قطر ولا ذلة. هو ايه ده! يعني هو ده نعيم يا رب! هو ان وشه مسودش وما تمرمش - 00:37:04

في التراب من الذل هو ده نعيم يا رب! تخيل كده لما اجيّب مسلا واحد جايب من نتيجة اقول له عملت ايه؟ يقول لي الحمد لله ما اترفدتش وما سقطتش. هو ده معناه ايه؟ معناه ان كل الطلبة اترفدوا او سقطوا فلا يرهقوا جواهم قطر ولا ذلة. معناها ان تسمعية تسعة وتسعين في الالف من اهل يوم القيمة - 00:37:29

راهن وجوههم قطر ولا ذلة. فمجرد انه ما حصلوش ده ده نعيم. اولئك اصحاب الجنة هم فيها خالدون. والذين كسبوا طب والسيئات جزاء سيئة بمثلها. والذين كسبوا يعني ايه كسبوا يا جماعة سيئات؟ يعني ده كأس سورة يونس بنتكلم - 00:37:49
عن مفهوم القضاء والقدر ان ما حدش يقول غصب عنى يا رب. انت اللي بارادتك اخترت الضلال. انت اللي باختيارك الحر. اخترت طريق الباص والذين كسبوا السيئات جزاء سيئة بمثلها. يعني ايه جزاء سيئة بمثلها؟ يعني زي - 00:38:09

ما عملتش سيئة سياسة العاصي يوم القيمة. يعني زي ما لبخت في الدنيا هتشوف هيحصل ايه يكيفيك في الآخرة. جزاء سيئة بمثلها. زي ما اساء سياسة وجهه من العذاب يوم القيمة والعياذ بالله. وترهقهم ذلة - 00:38:29
هينزل يوم القيمة كانوا اغشيت وجوههم وترأب ذلة ما لهم من الله من عاصم كانوا اغشيت وجوم قطعة من الليل مظلمة. هو ايه ده؟ يعني ربنا مع المؤمنين قال ولا - 00:38:49

جون قطر ولا فيلا فجأب السواد قبل الذل. انما هنا ربنا قال وترهقهم ذلة كانوا اغشيت وجوههم قطعا من الليل مظلمة. ليل كحل لا فيه وناسة ولا فيه لمبة ولا فيه قمر منور من السماء. وشوش سودا. طب ربنا - 00:39:04

الذل قبل السواد ليه؟ هي عاملة زي طالب اتصلوا به قبل النتيجة بتلات تيام قالوا له احنا جبنا لك النتيجة من الكترون انت ساقط. شف بقى اتصرف بسرعة في يوم بسرعة يجري لجاره المدرس في المدرسة عشان خاطر يعمل لي اي حاجة. عشان خاطري المدرس يحاول ما ينفعش. يجري ابوه على مدير المدرسة - 00:39:21

ابوس ايدك ابني هيسقط. ابني لازم ينجح ابوس ايدك. مدير المدرسة ما يعرفش يعمل له حاجة. يجري على واسطة قريبه لوا. ابوس ايدك فقعد يتزلل كل الناس وفي الآخر يوم النتيجة اكتشف ان ما حدش عرف يعمل له اي حاجة طلعت ساقط بيص - 00:39:41
النتيجة وشه يسود من من من الاحباط واليأس اللي بيحصل هي دي وترهقهم ذلة يتمنغوا في ارض المحشر يدوروا على حد يعمل لهم حاجة. على حد يدي لهم حسنة. على حد يشيل عنهم سيئة. ما لهم من الله من عاصم. ما حدش يقدر يعملهم - 00:40:01
حاجة في النهاية لما تطلع النتيجة ياخدوا الكتاب بالشمال والعياذ بالله كانوا اغشيت وجوههم قطعا من الليل مظلمة. الآيات بتاعة سورة يونس ايات عميقه جدا يا جماعة. ايات عميقه. ربنا يقول لك ويوم نحرسهم جميعا. ثم نقول للذين اشركوا مكانكم انت وشرككم - 00:40:20

شركاؤكم الحشر ان ييجي المؤمنين مع بعض. والكفرة مع بعض والظلمة مع بعض. فدول لما جم مع بعض مسکوا في خناق بعض انت السبب انت السبب. منزه غريب جدا. منزه غريب جدا ان ربنا لما يجيب كل شلة ضلت مع بعض. وهم بيقطعوا في بعض في ارض المحشر - 00:40:40

ويجي البوليس يدخل على المقهى اللي فيه الخناقة مكانك انت وهو. كل واحد يقف مكانه. مكانكم انتم بكافكم فذيلنا بينهم. يعني القضية قضية ان مشاهد الآخرة في سورة يونس مشاهد عالية جدا ومشاهد الكلام عن الله في سورة يونس ربنا بيقول لك وما تكونوا في شأن وما تتلووا منه منه من قرآن ولا تعملون - 00:41:00

من عمل الاكنا عليكم شهودا اذ تفيفون فيه. ربنا مراقبكم في كل حاجة الا ان اولياء الله لا خوف عليهم ولا هم يحزنون. يعني كان المعنى ان اهل ولایة ربنا هم اهل الرقابة. هم اللي بيراقبوا ربنا. هم الناس اللي عايشين بقلوبهم مع رقابة ربنا - 00:41:29
اليوم اخر حاجة ناخدها في سورة يونس قيس على كده بقى طول ما انت ماشي. في النهاية بقى بعد شوط الكلام عن الله والدار الآخرة ده في النهاية بقى بعد هزه الایات ربنا يقول واتل عليهم نبأ نوح اذ قال لقومه يا قوم ان كان كبر عليكم مقامي وتفكيرني بآيات الله - 00:41:49

فعلى الله توكلت فاجمعوا امركم وشركاءكم ثم لا يكن امركم عليكم غمة ثم اقضوا الي ولا تنتظروا منزد سيدنا نوح وافق قومه يقول لهم لو انتم ما نتوش طايقين عبادتي ولا انتم طايقين وقفتي في الدعوة الى الله - 00:42:09
النهار اعلى ما في خيلكوا اركبوه. اجمعوا كل امكانياتكم. اجمعوا كل اهل الباطل اللي وراكم. وانا وافق اهو لا ما تدونيش فرصة ان انا اهرب او اروح او اجي. انا وافق اهو مستنيكم. اعلى ما في خيالكم اركبوه اللي تقدروا تعملوه لي اعملوه لي - 00:42:29
ليه؟ اني توكلت على الله. انا معي ربنا شوفوا انتم معكم مين بقى. منظر بطولي مهيب. منظر بطولي مهيب ان بطولة الانبياء توصل لدرجة ان لما قومهم يجعوا من شغل الانبياء في الدعوة الى الله يقولوا لقومهم اعلى ما في خلق الكبوع. مش هنبطل دعوة الى الله - 00:42:49

مش هنقف عن النزول للناس. مش هنبطل نزول الدعوة الناس الى الله. واللي انتم عايزين تعملوه اعملوه. احنا معنا ربنا شوفوا انتم معكم مين هو ده اليقين يا جماعة. هو ده اليقين. بعدها سيدنا موسى وقال فرعون ائتوني بكل ساحر علیم. احنا شوفوا فرعون بيقول - 00:43:12

احنا هنجيب كل الوسائل اللي نحطم بها دعوة موسى. فلما جاء السحررة قال لهم موسى القوا ما انتم ملقون اعلى ما في خيلكوا اركبوه برضه. القوا ما انتم الكون معكم ايه ؟ معكم موقع قدرة على النت تضيعوا بقى الشباب القوها. معكم ايه - 00:43:32
معكم اعلام تضلوا به عقول الناس القوه. معكم ايه ؟ معكم تعليم هتسخروه لتدمير عقول الناس. القوا معكم ايه معكم ازمات اقتصادية تطحنا الناس بها. عشان تشغلو الناس في لقمة عيشها. ما حدش يفكر في ربنا. القوه. القوا ما انتم - 00:43:52
ام الكون اعلى ما في خلقه اركبوه فلما القوا قال موسى ما جئت به السحر ان الله سيبطله. ان الله سيبطله. ما جئت به السحر ان الله سيبطله. اصل المعركة مش بينكم وبيني. المعركة بينكم وبين ربنا سبحانه وتعالى. عشان كده بعدها ويحق الله الحق بكلماته - 00:44:12

احيانا فيه ناس يتهدأ لها ان لو الدعوة وقفت او بعض الدعوة منعوا ان خلاص الطريق لهداية الناس وقف. ربنا بيقول يحق الله الحق احق بكلماته هو مش بكلماتنا احنا. بكلمات الله. مش بكلمات البشر مهما كان البشر. ربنا مش تحتاج دعاء - 00:44:36
عشان يهدي الناس. ربنا مش تحتاج انباء عشان يهدي الناس. ده الناس ما امنتسي غير بعد ما غلام الاخدود اتقتل. غير بعد ما غلام ربنا مش تحتاج حد عشان الهدایة تتنزل. كل الدعاء وكل الكتب الدينية. وكل القنوات الاسلامية وكل موقع النت - 00:44:56
ما هي الا اسباب. وربنا قدرته لا يقف امامها الاسباب. عشان كده ويحق الله الحق كلماته وليس بكلمات البشر. وليس بكلمات الدعاء الى الله. فلازم كل واحد شغال في الدعوة يعرف حقيقة قدره في الطريق ده - 00:45:16
ان مش انت السبب لهداية الناس. مش انت الطريق لهدايتم انت مجرد سبب ربنا قد يأذن ان الهدایة تيجي بسبيك او الهدایة ما تجيشه بسبيك آآ الصورة عميقه جدا ولحد - 00:45:36

بنوصل لنهاية السورة في قول الله سبحانه وتعالى وان يمسسك الله بضر التوحيد بقى يا جماعة وان يمسسك الله بضر فلا لا كاشف له الا هو. وان يرددك بخير. وان يرددك بخير. انت عارف لما اقول لك انا نفسي اشوفك دايما بخير. انا نفسي - 00:45:50
الاقيك دايما بخير. باقي الملابسة ان ان كل حاجة تبقى في حياتك حلوة. وان يمززك الله بضر فلا كاشف له الا هو. وان يرددك بخير فلا راد لفضله. توحيد النفع والضر ان اللي بيملك كل شيء لك في حياتك هو الله. يصيب يصيب به من يشاء - 00:46:10
من عباده وهو الغفور الرحيم. طب ايه علاقة اسم الله الغفور الرحيم؟ بان ربنا يكشف الضر او ينزل الفضل. كان لو على زنوبكم ما ان

هو ربنا هو اللي غفور رحيم. ربنا هو اللي ايتها الناس قد جاءكم الحق من ربكم. ده الختام النهائي - 00:46:30
 فمن اهتدى فانما يهتدى لنفسه. ومن ضل فانما يضل عليها. وما انا عليكم بوكيل. الاية الختامية بقى الرهيبة دع ما يوحى اليك واصبر حتى يحكم الله. مهما كان الطريق صعب. ومهما كان الطريق طويلا. اتبع. واصبر اصبر احبس - 00:46:50

نفسك في الطريق ده. سبت نفسك في الطريق ده. واصبر حتى يحكم الله. النصر جاي. والفرج جاي. وهو خير الحاكمين. عايزين النهاردة يا اخواني بازن الله سبحانه وتعالى نعيش مع سورة يونس بقلوبنا نعيش مع ايات الجنة والنار فيها. مع ايات ولایة ربنا للمؤمنين فيها. مع بشريات ربنا لنا - 00:47:10

في الدنيا والآخرة اللي ملياها مع قد ايه ربنا نجي سيدنا نوح وسيدنا موسى ونجي الانبياء وكان مستحيل ان بعد الجرأة الرهيبة بتاعتهم في الدعوة الى الله. وبعد الاصطدام الرهيب مع اهل الباطل. بسبب ان اهل الباطل راضفين ان اهل الحق يشتغلوا في الدعوة الى الله - 00:47:32

ازاي ربنا نجاهم وازاي جسم فرعون لحد دلوقتي اليوم ننجيك ببدنك ها فلما ادركه الغرق قال امنت انه لا الله الا الذي امنت به يخرب بيت شيطانك. ايه ده! مش عارف يقول الله! مش عارف يقول كلمة - 00:47:52

امنت انه لا الله الا الذي امنت به بنو اسرائيل مش عارف يقول كلمة الله فوق سيدنا جبريل بيقول لسيدنا محمد فلو رأيتني يا محمد وانا اضع الطين في فمه. الطين بتاع قاع البحر الاحمر - 00:48:12

وسيدنا جبريل اه وفرعون وراه كل رتب الجيش بتاعته. وكل اه الرتب اللي اللي مشط وراه في طريق الضلال بتاعه. فلو رأيتني يا محمد وانا اضع الطين في فمه مخافة ان تدركه الرحمة. سيدنا جبريل خايف انه يقول كلمة الله ولكن له لم يعش - 00:48:32
فكيف يموت عليها؟ عاش على تأليه نفسه؟ قال هذه الانهار تجري من تحتي فاجراها الله من فوقه والعياذ بالله وصار عبرة لمن يعتبر صورة عميقة او ي سورة يونس. سورة بتهز المشاعر وبتلزل المشاعر لله يسلم قلبه لها. وهيعش معها بقلبه النهاردة بازن الله سبحانه وتعالى. ربنا يجعلنا من الموفدين - 00:48:52

ربنا يجعلنا من اهل القرآن. ربنا يعني يكشف لنا حقيقة جلال القرآن في رمضان داهو. ربنا لا يخرجنا من رمضان الا وقد قذف في قلوبنا عظمة القرآن ونور القرآن عشان ان شاء الله بازن الله نفضل طول حياتنا مع القرآن بازن الله - 00:49:18

سبحانه وتعالى اللهم اجعل القرآن العظيم ربنا ونور صدورنا وجلاء احزاننا وذهاب همومنا انك ولي ذلك القادر عليه. سبحانه الله الهم بحمدك اشهد ان لا الله الا انت استغفرك واتوب اليك - 00:49:38 - 00:49:52